

欽定春秋左傳讀本





卷三
之四

欽定春秋左傳讀本卷三

莊公

名同桓公子。母文姜。諡法勝敵克亂曰莊。



經元年春王正月

三月夫人孫

音遜于齊

夏單

音善

伯送王姬

無傳

秋築王姬之館于外

冬十月乙亥陳侯林卒

無傳

王使榮叔來

錫桓公命

無傳

王姬歸于齊

無傳

齊師遷紀

邾

音蒲

郟

音音

郟

音吾

無傳

傳元年春不稱即位文姜出故也。

文姜與桓俱行而桓為齊所殺故不敢還公不忍行即位禮文姜感而還

道光二十一年

武昌殿刊刻

左傳讀本卷三

莊公

一

三月夫人孫

音遜

于齊不稱姜氏絕不為親禮

也。

魯人責之故奔齊內諱奔故曰遜姜氏齊姓於文姜之義宜與齊絕而復奔齊故去

姜氏以示義還魯不記于策此後又還魯亦不記于策

秋築王姬之館于外為外禮也。

王姬下嫁齊襄使魯主昏夏單伯送王姬單采地。在周圻內。王姬至魯冬齊來迎公

居喪不忍以禮接於廟又不敢逆王命故築館於外善魯人得變禮之正

經二年春王二月葬陳莊公

無傳

夏公子慶

父帥師伐於餘丘

無傳

秋七月齊王姬卒

無傳

冬十有二月夫人姜氏會齊侯于禚音

乙酉宋公馮皮冰切卒無傳

傳二年冬夫人姜氏會齊侯于禚音書姦也

禚齊地。今長清縣境。夫人還皆不書。此後比年出會。公不能制。公時年十五。

經三年春王正月朔乃狄切會齊師伐衛夏

四月葬宋莊公無傳五月葬桓王秋紀季

以鄆音入于齊冬公次于滑音

傳三年春溺會齊師伐衛疾之也

溺魯大夫。不稱公。子疾其專命而行。

夏道光二年 武英殿刊刻左傳讀本卷三 莊公

夏五月葬桓王緩也

桓王以桓公十五年三月崩。歷七載乃葬。故曰緩。

秋紀季以鄆音入于齊紀於是乎始判

鄆紀地。在今臨淄縣東九十里。齊以元年徙紀。邢鄆部三邑之民。而取其地。蓋志在

滅紀也。紀侯分鄆與弟季。使入于齊為附庸。以存祭祀。明年乃自去其國。判分也。

冬公次于滑將會鄭伯謀紀故也鄭伯辭以

難去聲凡師一宿為舍再宿為信過信為次

滑鄭地。在今睢州西北。鄭辭以難者。以厲公在櫟故。

經四年春王二月夫人姜氏享齊侯于祝丘

傳無三月紀伯姬卒傳無夏齊侯陳侯鄭伯

遇于垂傳無紀侯大去其國六月乙丑齊

侯葬紀伯姬傳無秋七月冬公及齊人狩

于禚傳無

傳四年春王三月楚武王荆尸授師子吉熱切

焉以伐隨將齊齊音入告夫人鄧曼曰余心蕩

鄧曼歎曰王祿盡矣盈而蕩天之道也先君

其知之矣故臨武事將發大命而蕩王心焉

若師徒無虧王薨於行國之福也王遂行卒

道光二年武英殿刊刻左傳讀本卷三 莊公 三

於櫛音朗又木之下令尹鬬祁莫敖屈重平去

除道梁漾側嫁切又營軍臨隨隨人懼行

成莫敖以王命入盟隨侯且請為會於漢汭

而還濟漢而後發喪

荆尸楚陳也新為陳法子戰也始參用戟

故授師以新兵蕩心意動散也櫛木木似

榆俗呼榑榆櫛字亦以兩得聲也若以藹

鍾祥東有櫛木山漾水在今隨州西北除

道開道梁漾為梁於漾水上示欲渡師臨

知有喪懼其侵犯漢汭謂漢西地

紀侯不能下齊以與紀季夏紀侯大去其國

違齊難聲去也。

紀侯力弱慮窮。自以列國。不忍屈臣於齊。使季以鄙附齊。得為附庸。因盡以國與季。而自脫身為寓公。宗廟得存。故不言滅。是年紀侯夫人伯姬卒。紀侯大去。齊為葬之。皆來告。得書於經。隱七年之叔姬。以莊十二年復歸於鄆。全守節義。二十九年卒。三十一年葬。皆得成禮。書於經。

經五年春王正月

夏夫人姜氏如齊師

無傳

秋郟音犁來來朝

冬公會齊人宋人陳

人蔡人伐衛

傳五年秋。郟音犁來來朝。名未王命也。

道光二十一年

左傳讀本卷三

莊公

四

郟。附庸國。今滕縣地。其後以從。齊桓尊周室。王命為小邾子。見僖七年。經。犁來。郟君之名。

冬。伐衛。納惠公也。

惠公。朝也。桓十六年奔齊。

經六年春王正月。王人子突救衛。夏六月

衛侯朔入于衛。

秋公至自伐衛。

夏六月。螟。

冬。齊人來歸衛俘。

傳六年春。王人救衛。夏。衛侯入。放公子黔牟

于周。放甯

乃定切

跪

其毀切

于秦。殺左公子洩。右

公子職乃即位。君子以二公子之立黔牟為不度。音鐸矣。夫能固位者必度其本末而後立。

衷焉。不知其本不謀。知本之不枝弗強。上詩聲

云本枝百世。

王欲立黔牟諸侯欲立惠公朝故朝入即放黔牟於周甯跪衛大夫黔牟黨也左右

公子逐惠立黔牟者不度謂不揣本末衷申之適節也知本之不枝弗強者言黔牟

不能自樹立不當勉強成其事引詩明本枝俱蕃茂乃能百世衛朝違逆王命君子

自責備二公子乃各明一義

冬齊人來歸衛寶。文姜請之也。

道光二年 莊公 五

魯從納朔。文姜請於齊侯以所獲珍寶歸魯。欲悅魯。經言俘傳言寶者古寶通保。保

本作保。保俘相似。疑經誤。此正義申杜說也。逸周書俘商。善玉書序。厥寶玉。是取

寶玉亦謂之俘。歸衛俘言歸伐衛所獲之寶玉也。

楚文王伐申。過鄧。鄧祁侯曰。吾甥也。止而享

之。雖亡音佳鄧國者必此人也。若不早圖。後君噬

甥曰。亡鄧國者必此人也。若不早圖。後君噬

齊。音臍其及圖之乎。圖之。此為時矣。鄧侯曰。人

將不食吾餘。對曰。若不從三臣。抑社稷實不血食。而君焉。音驚取餘弗從。還年。楚子伐鄧。十

六年楚復伐鄧滅之。

申國在今南陽北。鄧國今鄧州。曼姓。侯爵。祁諡也。楚文王。楚武王夫人鄧曼子也。三甥皆鄧人之甥。仕於鄧。啞齊。喻人自齧其臍。勢不可及。不食其餘。言人將賤惡之焉。取餘言自不得食。無從有餘。還年謂伐申還之年。十六年。莊公十六年也。文王果亡鄧國。祁侯亦無復餘。然殺楚君。止速鄧亡。三甥之計。亦非有益。傳記此者。見小國當修政自強。楚君辭氣之間。亦有取殺之道。三甥窺之。幾於見殺。不可不慎。

經七年春夫人姜氏會齊侯于防夏四月

辛卯夜恒星不見去聲夜中去聲星隕于闕切如雨

秋大水無傳無麥苗冬夫人姜氏會齊

侯于穀無傳左傳讀本卷三 莊公 六

傳七年春文姜會齊侯于防齊志也。

防。魯地。曲阜東有防。防山也。費縣東北為魯東防。金鄉西為魯西防。此不知何防。傳言齊志者。言文姜數與齊侯會。其在齊地。則姦發文姜。其在魯地。則是齊侯之志。畧舉二端。以見其餘。

夏恒星不見去聲夜明也星隕于闕切如雨與

雨偕也。去聲夜明也。星隕如雨。與雨偕也。

時建卯月五日。月將入天。無雲氣。而恒星不見。益日光。不以昏斂。故曰夜明。星隕如雨者。如而也。言明至夜中。乃星落且雨。

秋。無麥苗。不害嘉穀也。

經言大水。無麥苗。其秋當夏正五月。麥及禾苗皆漂殺。黍稷尙可更種。故曰不害嘉穀。

經八年春王正月師次于郎以俟陳人蔡人

甲午治兵。夏師及齊師圍郕。郕降。

于齊師。秋師還。冬十有一月癸未齊

無知弒其君諸兒。

八年春。治兵于廟。禮也。夏師及齊師圍郕。

郕降。于齊師。仲慶父請伐齊師。公曰。

不可。我實不德。齊師何罪。罪我之由。夏書曰。

臯陶。邁種德。德乃降。姑務脩德。以待時乎。

秋。師還。君子是以善魯莊公。

郕國。今汶上。齊及魯將伐郕。公期陳蔡同伐郕。正月。矣于郎以待之。郎。今魚臺地。陳蔡不至。甲午。乃治兵于廟。習號令。夏。乃圍郕。降。下也。仲慶父。公子慶父也。郕降于齊。

言齊不與魯同其功。公言已實不德。書稱臯陶邁勉種德。能如其種德。乃入自降服之。遂不伐齊師。自全師而還。此引書與今書說不同。蓋斷章取證降義。

齊侯使連稱。管至父。帥戍葵丘。瓜時而往。

曰。及瓜而代。期不代。公問不至。請代弗許。故

道充二年 武英殿刊刻

左傳讀本卷三

莊公

七

謀作亂。僖公之母弟曰夷仲年。生公孫無知。

有寵於僖公。衣服禮秩如適。音襄公絀音之。

二人因之以作亂。連稱有從去聲。妹在公宮。無

寵。使閒如公曰。捷。吾以女音為夫人。冬。十二

月。齊侯游于姑焚。音遂田于貝丘。見大豕。從

聲者曰。公子彭生也。公怒曰。彭生敢見。音射

之。豕人立而啼。公懼。隊于車。傷足。喪去履。反

誅屨於徒人費。音弗得。鞭之見血。走出。遇賊

于門。劫而束之。費曰。我奚御。音祖音而示

之背。信之。費請先入。伏公而出鬪。死于門中。

石之紛如。死于階下。遂入。殺孟陽于牀。曰。非

君也。不類。見公之足于戶下。遂弑之。而立無

知。初。襄公立。無常。鮑叔牙曰。君使民慢。亂將

作矣。奉公子小白出奔莒。亂作。管夷吾召音邵

忽。奉公子糾來奔。初。公孫無知虐于雍廩。

葵邱在今臨淄西。姑焚在今博興東北。貝邱在博興南。夷仲年。僖公同母弟。公子糾。

之從弟。鮑叔牙。小白。傅。召忽。管夷吾。子糾

之傅。管夷吾。周穆王後。管敬仲也。僖公寵無知。襄公絀之。襄公政令無常。葵邱戍守。

道光二年
武英殿刊刻

左傳讀本卷三

莊公

八

以七月瓜時往。及期不許代。亦無常之一端。戍卒怨。遂因無知之絀以作亂。無知又先許宮妾以為夫人。使伺公隙。公田見豕而從者則見彭生。豕被射。人立而啼。蓋彭生冤厲之氣。公失履而鞭責徒人費。亦失神。督亂。適亂作。而費及石之紛如孟陽。皆以小臣殉死。雍廩。齊渠邱大夫。

經九年春齊人殺無知。公及齊大夫盟于

莒。音器。夏公伐齊納子糾齊小白入于齊。

秋七月丁酉葬齊襄公。無傳。八月庚申及齊

師戰于乾。音干。時我師敗績。九月齊人取子

糾殺之。冬浚洙。無傳。

道光二年 武英殿刊刻 左傳讀本卷三 莊公 九

傳九年春雍廩殺無知。

公及齊大夫盟于莒。音器。齊無君也。

莒魯地。在今嶧縣東北。八十里。盟迎子糾。

夏公伐齊納子糾。桓公自莒先入。

二公子各有黨。故既盟猶用伐。桓公小白也。先入據齊。

秋師及齊師戰于乾。音干。時我師敗績。公喪。

戎路。傳去聲乘去聲而歸。秦子梁子以公旗辟。

于下道。是以皆止。鮑叔帥師來言曰子糾親

也。請君討之。管召讎也。請受而甘心焉。乃殺

子糾于生竇召忽死之管仲請囚鮑叔受之及堂阜而稅脫音之歸而以告曰管夷吾治於

高侯音去使相音去可也公從之問曰人難公曰

時水在今臨淄西南歧流旱則竭涸故曰

乾時下道謂歧出道在下地生竇魯北境

堂阜齊地今蒙陰縣西北有夷吾亭鮑叔

脫夷吾囚處也公深入而敗傳乘它車歸

齊秦子梁子公御及戎右以公戎路不去其

旗避于下道以誤齊師故齊不知追公獲

止二子止者內諱言囚也鮑叔詐得管仲

以告桓公言其才多于高侯可使相高與

國齊世卿是年冬浚洙懼齊為

之備也洙水在魯城北下合泗

經十年春王正月公敗齊師于長勺六月

公侵宋無傳三月宋人遷宿無傳夏六月齊

師宋師次于郎公敗宋師于乘去聲丘秋九

月荆敗蔡師于莘以蔡侯獻舞歸冬十月

齊師滅譚譚子奔莒

傳十年春齊師伐我公將戰曹劌古衛切請見

現音其鄉人曰肉食者謀之又何閒去聲焉劌曰

肉食者鄙未能遠謀乃入見問何以戰公曰

衣食所安弗敢專也必以分人對曰小惠未

徧民弗從也公曰犧牲玉帛弗敢加也必以

道光二十一年左傳讀本卷三 莊公 十一

武英殿刊刻

信對曰。小信未孚。神弗福也。公曰。小大之獄。雖不能察。必以情。對曰。忠之屬也。可以一戰。戰則請從。去聲公與之乘。去聲戰于長勺。公將鼓之。劓曰。未可。齊人三鼓。劓曰。可矣。齊師敗績。公將馳之。劓曰。未可。下視其轍。登軾而望之。曰。可矣。遂逐齊師。既克。公問其故。對曰。夫戰。勇氣也。一鼓作氣。再而衰。三而竭。彼竭我盈。故克之。夫大國難測也。懼有伏焉。吾視其轍亂。望其旗靡。音美故逐之。

道光二十一年

左傳讀本卷三

莊公

十一

長勺。魯地。曹劓。魯人。亦曰曹沫。肉食。謂在位有祿俸者。何閒。言不當閒。廁其謀。劓不許小惠。小信。而稱察獄以情者。以忠能利民。而後能使民也。公因與劓共乘。轍者。車迹。軾。車前橫木。古兵車箱廣六尺六寸。深四尺四寸。自前軫入一尺四寸三分寸之。二。橫施一木。上去車箱底板三尺三寸。名曰軾。登之則高也。言戰當持重。使敵氣竭。又恐其有伏而偽敗。今轍亂而旗靡。乃真敗走。

夏六月。齊師宋師次于郎。公子偃曰。宋師不整。可敗也。宋敗。齊必還。請擊之。公弗許。自雩門竊出。蒙臯比。音毗而先犯之。公從之。大敗宋師于乘丘。齊師乃還。

公以是年侵宋。宋時強遷宿取其地。在今東平州東。齊桓公與魯未平。齊宋合。乃次于郎。將伐魯。公子偃。魯大夫。雩門。魯城南門。皐比。虎皮。是二國師已深入及國門。公自南門出犯之。又追敗之于乘。邱。乘邱。在魯西。今嶧陽縣地。

蔡哀侯娶于陳。息侯亦娶焉。息媯將歸。過蔡。蔡侯曰。吾姨也。止而見之。弗賓。息侯聞之。怒。使謂楚文王曰。伐我。吾求救於蔡而伐之。楚子從之。秋九月。楚敗蔡師于莘。以蔡侯獻舞歸。

陳。媯姓。蔡見媯弗賓。蓋無禮。息以救已爲蔡罪。陷蔡受兵。莘。蔡地。在今汝陽。

道光二年

武英殿刊刻

左傳讀本卷三

莊公

十一

齊侯之出也。過譚。譚不禮焉。及其入也。諸侯皆賀。譚又不至。冬。齊師滅譚。譚無禮也。譚子奔莒。同盟故也。

譚。在今歷城縣東七十五里。莒。今莒州。齊桓奔莒。路不過譚。蓋先嘗周歷云。

經十有一年春王正月。夏五月戊寅。公敗

宋師于鄆。秋宋大水。冬王姬歸于齊。

傳十一年夏。宋爲乘。丘之役。故侵我。公

禦之。宋師未陳。而薄之。敗諸鄆。凡師。敵

未陳。曰敗某師。皆陳曰戰。大崩曰敗績。得雋

俊音曰克覆而敗之曰取某師京師敗曰王師敗績于某

乘邱役在前年鄆宋魯間地傳通釋戰陳書法非外寇勢敵如二君曰克以威力掩覆之曰取王師敗以自敗為文言天下莫得與校

秋宋大水公使弔焉曰天作淫雨害於衆盛成音若之何不弔對曰孤實不敬天降之災又

以為君憂拜命之辱臧文仲曰宋其興乎禹湯罪已其興也悖音焉桀紂罪人其亡也忽

焉且列國有凶稱孤禮也言懼而名禮其庶乎既而聞之曰公子御同說同之辭也臧孫

達曰是宜為君有恤民之心

弔言憫弔謂不為天所憫事當若之何古人同憂患反已自責辭多如此故答言以為君憂悖與忽皆言速也諸侯自稱寡人凶則降禮稱孤御說宋公子桓公也明年得國臧孫達于桓立後知此是其辭又稱之臧文仲名辰達之子

冬齊侯來逆共音姬

乘丘之役公以金僕姑射南宮長萬公右欲

市專切孫生搏音之宋人請之宋公靳記印切之

曰始吾敬子今子魯囚也吾弗敬子矣病之

道光二十一年

武英殿刊刻

左傳讀本卷三

莊公

三

萬宋大夫。南宮氏。長是其字。金僕姑。失名。斬戲而相愧也。萬以為病。故明年弑宋公。

經十有二年春王三月紀叔姬歸于衛無傳

夏四月秋八月甲午宋萬弑其君捷及其

大夫仇牧冬十月宋萬出奔陳

傳十二年秋宋萬弑閔公于蒙澤遇仇牧于

門批平聲音拍又而殺之遇犬音泰宰督于東宮之

西又殺之立子游羣公子奔蕭公子御說奔

亳南宮牛猛獲帥師圍亳

蒙澤今商邱縣東北地蓋宋公出游遇弑仇牧及督皆在國中批手殺之子游宋公

子不知出于何公蕭今蕭縣亳今曹縣地杜釋例所謂梁國蒙澤縣北城中有湯冢

者是也南宮牛萬之子猛獲萬黨

冬十月蕭叔大心及戴武宣穆莊之族以曹

師伐之殺南宮牛于師殺子游于宋立桓公

猛獲奔衛南宮萬奔陳以乘去聲車輦其母一

日而至宋人請猛獲于衛衛人欲勿與石祁

子曰不可天下之惡一也惡於宋而保於我

保之何補得一夫而失一國與惡而弃好去聲

非謀也衛人歸之亦請南宮萬于陳以賂陳

道先一年

左傳讀卷三

莊公

十四

人使婦人飲去去聲之酒。而以犀革裹之。比去聲及宋手足皆見。音現宋人皆醢之。

太心。蕭大夫。以功封為附庸。二十三年來朝。公于穀者也。戴武。宣。穆。莊之族。謂秋奔蕭之羣公子。時賊北圍亳。故大心及羣公子。以曹師攻滅之。因立御說。輦。駕人也。萬以乘馬之車。自駕其肩。馳之輦。其母一日由宋至陳。二百六十里。衛歸猛獲。以大夫石祁子之言。陳得宋賂。誘執宋萬。萬多力。故由陳至宋。手足皆出于裹革之外。皆醢之。萬獲兩人也。

經十有三年春齊侯宋人陳人蔡人邾人會

于北杏夏六月齊人滅遂秋七月冬

公會齊侯盟于柯道光二年 武英殿刊刻 左傳讀本卷三 莊公 五

傳十三年春會于北杏以平宋亂遂人不至

夏齊人滅遂而戊之北杏。齊地。在今東阿。遂國。在今寧陽縣西北。

冬盟于柯始及齊平也柯。齊邑。在今陽穀縣北。齊桓以魯納子糾故。今始與魯平。

宋人背北杏之會

經十有四年春齊人陳人曹人伐宋夏單

伯會伐宋秋七月荆入蔡冬單伯會齊

侯宋公衛侯鄭伯于鄆

音緝又音真音旃

傳十四年春諸侯伐宋齊請師于周夏單伯

會之取成于宋而還

時齊桓公崇周室假王命示大順

鄭厲公自櫟

音歷

侵鄭及大陵獲傅瑕傅瑕曰

苟舍我吾請納君與之盟而赦之六月甲子

傅瑕殺鄭子及其二子而納厲公初內蛇與

外蛇鬪於鄭南門中內蛇死六年而厲公入

公聞之問於申繻曰猶由同有妖乎對曰人之

道光二年

武夷殿刊刻

左傳讀本卷三

莊公

六

所忌其氣燄

音豔本作炎

以取之妖由人興也人

無覺

興去聲

焉妖不自作人奔常則妖興故有

妖厲公入遂殺傅瑕使謂原繁曰傅瑕貳周

有常刑既伏其罪矣納我而無二心者吾皆

許之上大夫之事吾願與伯父圖之且寡人

出伯父無裏言入又不念寡人寡人憾焉對

曰先君桓公命我先人典司宗祏

音石

社稷有

主而外其心其何貳如之苟主社稷國內之

民其誰不為臣臣無二心天之制也子儀在

位十四年矣。而謀召君者庸非貳乎。莊公之子猶有八人。若皆以官爵行賂勸貳。而可以濟事。君其若之何。臣聞命矣。乃縊而死。

入 大陵。鄭地。在今臨潁縣北。傳取子儀臣。弒子儀父子而納厲公。厲公亦殺之。謂大夫

祭 原繁。不。早。思。納。已。以。裏。言。相。約。及。入。又。不。親。附。亦。欲。殺。之。原。繁。言。昔。鄭。始。受。命。之。桓

攻 公。以。宗。廟。中。藏。主。石。室。命。原。氏。世。典。司。之。猶。言。已。為。宗。廟。世。守。臣。也。不。敢。貳。厲。公。在

蔡 外。以。鄭。人。不。事。已。為。貳。子。儀。君。國。背。之。而。事。厲。公。亦。貳。也。莊。公。之。子。昭。公。子。臺。子。儀

厲公之外。尚有八人。若俱如厲公之言。則厲公亦不能自定。原繁因縊死。鄭人異之。

至六年。子儀被殺。或以蛇北方水物。水成

道 光二十二年 武英殿刊刻

左傳讀本卷三

莊公

七

數六。六年得此應。魯侯問申繻。言鄭亂由

之欲而不盛。故妖感之而興。人失常。

蔡哀侯為去聲莘故。繩息媯以語去聲楚子。楚子

如息。以食音嗣入享。遂滅息。以息媯歸。生堵音杜

敖平聲及成王焉。未言。楚子問之。對曰。吾一婦

人。而事二夫。縱弗能死。其又奚言。楚子以蔡

侯滅息。遂伐蔡。秋七月。楚入蔡。君子曰。商書

所謂惡之易去聲也。如火之燎音料于原。不可鄉

向音向邇。其猶可撲滅者。其如蔡哀侯乎。

莘役在十年。蔡侯怨息以不賓息。媯故。因繩息媯之美。繩。同。譏。譽也。楚王因之滅息。至此已生二子。未與王言。謂不以言于王也。滅息蓋十一年十二月事。不能死。又奚言。蓋怨辭。故楚子伐蔡以悅之。君子言火燎原易延。不可撲滅。如惡易喪敗。商書盤庚之言。正蔡哀侯之謂。王五月。夏宋人齊人入齊人。

冬。會于鄆。音絹。又音真。音旃。宋服故也。

鄆。衛邑。今濮州東南。

經十有五年春齊侯宋公陳侯衛侯鄭伯會

于鄆。夏夫人姜氏如齊。無傳。秋宋人齊人

邾人伐鄆。音倪。鄭人侵宋。冬十月

傳十五年春復會焉。齊始霸也。道光一年。武英殿刊刻。左傳讀本卷三。莊公。六。

是年夏。文姜如齊。父母在。則出嫁。女有歸禮。時桓公母不見。經傳當是文姜會桓公也。亦以魯齊既平之故。

秋諸侯為聲。宋伐鄆。鄭人間之而侵宋。去聲。

鄭。今滕縣地。即小邾。時為宋附庸。又齊有鄆邑。今掖縣地。與此別。

經十有六年春王正月。夏宋人齊人衛人

伐鄭。秋荆伐鄭。冬十有二月會齊侯宋

公陳侯衛侯鄭伯許男滑伯滕子同盟于幽

邾。子克卒。無傳。

邾子克卒。

無傳。

傳十六年夏諸侯伐鄭宋故也。

鄭伯自櫟入。緩告于楚。秋。楚伐鄭。及櫟。為去聲。

不禮故也。

自櫟入。在十四年。

鄭伯治與去聲於雍糾之亂者。九月。殺公子闕。

遇音月剛音強鉏仕魚切。公父音甫定叔出奔衛。三年

而復之。曰。不可使共音恭叔無後於鄭。使以十

月入。曰。良月也。就盈數焉。君子謂強鉏不能

衛其足。

道光二年

左傳讀本卷三

莊公

九

殺雍糾。在桓十五年。公子闕。強鉏。皆祭仲黨。公父定叔。共叔段之孫。亦祭仲黨。強鉏不能衛其足。言不早出奔避害。數滿於十。十月。盈數也。

冬。同盟于幽。鄭成也。

幽。宋地。會有滑伯。滑國都費。今偃師縣地。

王使虢公命曲沃伯。以一軍為晉侯。

時曲沃并晉。僖王因命之。

初。晉武公伐夷。執夷詭九委切。薦于委切。國請

而免之。既而弗報。故子國作亂。謂晉人曰。與

我伐夷而取其地。遂以晉師伐夷。殺夷詭諸

周公忌父

甫音

出奔號。惠王立而復之。

晉武公。即曲沃伯。夷周圻內采地。詭諸夷大夫。為曲沃所執。周大夫為國請于曲沃。免之。弗報者。詭諸不施報于為國。周公。王卿士。出奔。邈其亂。蓋是年事。惠王立。在莊十七年。其元年。莊十八年也。乃復周公。周平王入春秋。歷桓王。莊王。僖王。惠王。事多不見經。左氏旁采附記之。

經十有七年春齊人執鄭詹

夏齊人殲

音尖

于遂

秋鄭詹自齊逃來

冬多麋

音眉無傳

傳十七年春齊人執鄭詹鄭不朝也

詹鄭大夫叔詹齊始霸鄭不朝齊詹執鄭政詣齊見執不稱行人罪之也

道光二年武英殿刊刻

左傳讀本卷三

莊公

三

夏遂因氏領

音閻

氏工婁氏須遂氏饗齊戍

音庶

醉而殺之齊人殲焉

四氏遂舊族饗酒食也殲盡也齊滅遂戍之迄今四年遂人不甘齊亦斲而無備故

經以齊自殲為文

經十有八年春王三月日有食之

追戎于濟西

秋有盛

音或

冬十月

王命諸侯

傳十八年春號公晉侯朝王王饗醴命之宥

同皆賜玉五穀馬三匹非禮也王命諸侯

名位不同禮亦異數不以禮假人

時惠王元年也。饗禮先置醴酒。示不忘古。飲宴則命以幣物侑助。所以助勸敬之意。數。雙玉也。異數。謂差等。以禮假人。謂假借不審。傳以公侯同賜。非禮。

號公。晉侯。鄭伯。使原莊公逆王后于陳。陳媯歸于京師。實惠后。

號。晉朝王。鄭亦繼至。皆在周。為王定昏。得同姓宗國之禮。原。周采邑。莊公。周大夫。惠后。亂周。見僖二十四年。傳于此。先正其名。

夏。公追戎于濟西。不言其來。諱之也。

濟西。濟水之西。戎時居今曹縣。有戎州。來侵魯。魯不知備。去乃追之。故諱言其來。

秋。有盛。或為災也。

道光二年。左傳讀本卷三。莊公。三。

盛。短狐蟲。潛于水際。含沙射人。一曰射人影也。狀如鼈而三足。春秋書螟螽蝻。皆害稼為災。則書其蜚。或曰害稼。或曰害人。盛則害人。故傳亦言為災。別申其義。

初。楚武王克權。使鬬緡尹之以叛。圍而殺之。遷權於邾。

乃多。邾。上聲。使鬬敖尹之。及文王即位。與巴人伐申。而驚其師。巴人叛楚。而伐邾。取之。遂門于楚。閻敖游涌。而逸。楚子殺之。其族為亂。冬。巴人因之以伐楚。

殺之。其族為亂。冬。巴人因之以伐楚。

權國。在今當陽縣東南。邾。今荊門州地。涌。水名。在今監利縣東南。尹。邑長也。權。尹以權叛。因遷其人于邾。邾。尹不能守。邾處。故楚子皆殺之。巴。以楚驚其師。故取

權國。在今當陽縣東南。邾。今荊門州地。涌。水名。在今監利縣東南。尹。邑長也。權。尹以權叛。因遷其人于邾。邾。尹不能守。邾處。故楚子皆殺之。巴。以楚驚其師。故取

那處而攻楚城門。又因閻氏族亂而伐楚。

經十有九年春王正月 夏四月 秋公子

結媵音孕陳人之婦于鄆遂及齊侯宋公盟無傳

夫人姜氏如莒無傳冬齊人宋人陳人伐

我西鄙無傳

傳十九年春楚子禦之。大敗於津。還鬻音育拳

弗納。遂伐黃。敗黃師于蹇音蹇。陵還及湫。

子小有疾。夏六月庚申卒。鬻拳葬諸夕室。亦

自殺也。而葬於經音臺皇。初鬻拳強音上諫楚子。

道光二年 武英殿刊刻 左傳讀本卷三 莊公 五

楚子弗從。臨之以兵。懼而從之。鬻拳曰。吾懼

君以兵。罪莫大焉。遂自剛也。楚人以為大閹。

謂之犬音泰伯。使其後掌之。君子曰。鬻拳可謂

愛君矣。諫以自納於刑。刑猶不忘納君於善。

津。楚地。水津也。或曰。在今江陵。黃。嬴姓國。在今光州西。蹇。陵。黃地。今光州西南。湫。城。

楚地。在今宜城。夕室。楚葬地。經皇。冢前闕也。鬻拳初為大夫。死後為大閹。其子孫世掌。

之。鬻拳生守門。故死葬冢前闕。始以兵諫。繼又弗納。皆非人臣禮。君子推其心。以為

愛君。明楚子能察其意。楚所以興。傳記其事。見人君務在節取善事。其益無方。

初王姚嬖必計于莊王。生子穧徒同。子穧有

寵薦國爲之師。及惠王即位。取薦國之圃以爲囿。邊伯之宮近於王宮。王取之。王奪子禽祝跪與詹父。音甫田。而收膳夫之秩。故薦國邊伯石速詹父子禽祝跪作亂。因蘇氏。秋。五大夫奉子積以伐王。不克。出奔温。蘇子奉子積以奔衛。衛師燕師伐周。冬。立子積。

温。今温縣。燕。南燕國。今胙城也。媯。媯同姓。王。姚。莊。王。妾。子。積。今。惠。王。叔。父。王。取。薦。國。圃。爲。囿。圃。或。用。籬。籬。圃。有。牆。也。宮。謂。外。牆。收。秩。奪。其。祿。蘇。氏。于。桓。王。時。失。十。二。邑。故。道。光。一。年。武。英。殿。刊。刻。

左傳讀本卷三

莊公

重

六人因之。言五大夫者。膳夫石速。士也。六人敗而蘇氏以子積奔衛。蘇氏及衛與南燕立子積。

經二十年春王二月夫人姜氏如莒無傳夏

齊大災無傳秋七月冬齊人伐戎

傳二十年春鄭伯和王室不克執燕仲父夏

鄭伯遂以王歸王處于櫟秋王及鄭伯入于

鄆音伍遂入成周取其寶器而還冬王子積享

五大夫樂及徧舞鄭伯聞之見虢叔曰寡人

聞之哀樂失時殃咎必至今王子積歌舞不

倦樂禍也。夫司寇行戮，君爲去聲之不舉，而況

敢樂禍乎？奸音干王之位，禍孰大焉？臨禍忘憂，

憂必及之。盍納王乎？虢公曰：寡人之願也。

櫟，鄭邑。今禹州。鄭邑。周桓王取之。今偃師縣西南。成周在今洛陽城東。其洛陽城

則周王城也。和王室謂和蘇氏五大夫石

速執燕仲父。南燕伯也。樂及徧舞謂六代

樂舞皆用之。司寇行戮，王爲不舉。徹樂。今

子積于王位爲禍首而縱樂，故鄭伯欲納

告虢公。虢公亦許之。
經二十有一年春王正月，夏五月辛酉鄭

伯突卒。秋七月戊戌，夫人姜氏薨。無傳冬

十有二月葬鄭厲公。無傳

傳二十一年春，晉命于弭。音米夏，同伐王城。鄭

伯將王自圉門入。虢叔自北門入，殺王子績

及五大夫。鄭伯享王于闕西辟。音僻樂備。王與

之武公之略。自虎牢以東。原伯曰：鄭伯效尤

其亦將有咎。五月，鄭厲公卒。王巡虢守。音狩虢

公爲王宮于珪。音蚌王與之酒泉。鄭伯之享王

也。王以后之輦。音盤鑑予之。虢公請器。王予之

爵。鄭伯由是始惡去聲於王。冬，王歸自虢。

道光二年 莊公 武英殿刊刻 左傳讀本卷三 音

鄭公地。今密縣地。虎牢。今汜水。以東本鄭地。後失之。今復以賜鄭。玕。號邑。今通。關內西偏。輦。帶。輦。鑑。以鏡飾帶。晉時羌服。猶有之。爵。飲酒器。晉命于。鄭。號。同。志。無主盟。鄭享王樂。備是前以子。積為尤。愆。而公。效之。故原。莊公。知有咎。鄭厲公卒。人。文公立。文公以其父所得之輦。鑑。乃婦人。之物。非所以賞有功。故始惡于王。

經二十有二年春王正月肆大眚傳無癸丑

葬我小君文姜傳無陳人殺其公子御音寇

公夏五月秋七月丙申及齊高偃盟于防

傳無冬公如齊納幣傳無

道光二十二年 武英殿刊刻左傳讀本卷三 莊公 壹

傳二十二年春陳人殺其犬音子御同寇陳

公子完與顓孫奔齊。顓孫自齊來奔。齊侯使

敬仲為卿。辭曰。羈旅之臣。幸若獲宥。及於寬

政。赦其不閑於教訓。而免於罪戾。弛失氏切於

負擔。丁暫切君之惠也。所獲多矣。敢辱高位。以

速官誘。請以死告。詩云。翹翹車乘。去聲招我以

弓。豈不欲往。畏我友朋。使為工正。飲去聲桓公

酒。樂公曰。以火繼之。辭曰。臣卜其晝。未卜其

夜。不敢。君子曰。酒以成禮。不繼以淫。義也。以

君成禮弗納於淫仁也。初懿氏卜妻敬仲。

去聲

其妻占之曰吉。是謂鳳皇于飛。

和如字又鳴去聲

鏘鏘有矯之後將育于姜。五世其昌。並于正

卿。八世之後莫之與京。陳厲公蔡出也。故蔡

人殺五父。

音甫

而立之。生敬仲。其少也。周史有

以周易見陳侯者。陳侯使筮之。遇觀。

去聲

三之否。

音鄙

三三

曰。是謂觀國之光。利用賓于

王。此其代陳有國乎。不在此。其在異國。非此

其身。在其子孫。光遠而自他有耀者也。坤土

也。巽風也。乾天也。風爲天於土上。山也。有山

之材。而照之以天光。於是乎居土上。故曰觀

國之光。利用賓于王。庭實旅百。奉之以玉帛。

天地之美具焉。故曰利用賓于王。猶有觀

去聲

焉。故曰其在後乎。風行而著。

直略切

於土。故曰

其在異國乎。若在異國。必姜姓也。姜大

音泰

之後也。山嶽則配天。物莫能兩大。陳衰。此其

昌乎。及陳之初亡也。陳桓子始大於齊。其後

亡也。成子得政。

道光二年
武英殿刊刻

左傳讀本卷三

莊公

庚

曰不可夫禮所以整民也故會以訓上下之則制財用之節朝以正班爵之義帥長上聲幼之序征伐以討其不然諸侯有王王有巡守去聲以大習之非是君不舉矣君舉必書書而不法後嗣何觀春王三月侯歸宮音歸

齊因祭社而蒐軍實故公往觀之計其不然不然謂不用命大習謂大舉

晉桓莊之族偪音通獻公患之士蔿音賄曰去上聲

富子則羣公子可謀也已公曰爾試其事士

蔿與羣公子謀譖富子而去之

道光二年 武英殿刊刻 左傳讀本卷三 莊公 二

桓莊之族曲沃二伯子孫富子二族中之富彊者其族內自相妬士蔿又離間其骨肉使之黨分而弱士蔿之謀險毒羣公子不悟俱見滅亡士蔿後為士氏范氏

秋丹桓宮之楹

桓公廟宮 楹柱也

經二十有四年春王三月刻桓宮楹音角葬

曹莊公無傳夏公如齊逆女無傳秋公至自

齊無傳八月丁丑夫人姜氏入戊寅大夫宗

婦覲用幣大水無傳冬戎侵曹無傳曹羈

出奔陳無傳赤歸于曹無傳郭公無傳

傳二十四年春刻其桷音角皆非禮也御同孫

諫曰臣聞之儉德之共如字也侈惡之大也先

君有共德而君納諸大惡無乃不可乎

桷椽也公將迎夫人故飾廟云皆非禮者并譏前年丹楹御孫魯大夫共德言人所

同以為德

秋哀姜至公使宗婦覲徒歷切用幣非禮也御

孫曰男贄音至大者玉帛小者禽鳥以章物也

女贄不過榛栗棗脩以告虔也今男女同贄

是無別也男女之別國之大節也而由夫人

亂之無乃不可乎莊公

道光二十一年武英殿刊刻左傳讀本卷三

公親迎反至魯而先入夫人後至又以奢

夸夫人使大夫宗婦俱以幣覲傳就宗婦

譏其非禮御孫言公侯伯子男玉世子附

庸孤卿帛卿羔大夫雁士雉所以藉物明

貴賤大夫執帛唯上僭耳宗婦執帛則非

禮之尤者也榛古作乘小栗也音近虔栗

言敬慄棗取早起脩者捶脯施薑桂義取

自脩婦贄如此乃以告虔今同男用幣是

晉士蔿音賄又與羣公子謀使殺游氏之二子

士蔿告晉侯曰可矣不過二年君必無患

游氏二子亦桓莊族傳言羣公子終不悟是年經書郭公蓋文闕凡采舊文有脫畧

無所据依。不强補之。則曰闕文。孔子言史闕文是也。若已脩春秋。辭旨明備。今復脫畧。則爲文闕。

經二十有五年春陳侯使女音叔來聘夏

五月癸丑衛侯朔卒無傳六月辛未朔日有

食之鼓用牲于社伯姬歸于杞無傳秋大

水鼓用牲于社于門冬公子友如陳無傳

傳二十五年春陳女音叔來聘始結陳好去

也嘉之故不名女叔陳卿女氏叔字原仲也結陳好謂釋公子結之事棄惡即好故嘉之

道先二年武英殿刊刻左傳讀本卷三莊公三

夏六月辛未朔日有食之鼓用牲于社非常

也唯正音月之朔他得未作日有食之於

是乎用幣于社伐鼓于朝然亦用幣不用牲今六月辛未朔日食伐

水然亦用幣不用牲今六月辛未朔日食伐

食是此月乃當鼓之月而傳以爲非者蓋以

正長歷推之知辛未實周正七月非六月也

陽於是有日食則

秋大水鼓用牲于社于門亦非常也凡天災

有幣無牲非日月之眚不鼓

常禮。天災祈請不用牲。亦非常者。并申上經傳意。

晉士蔦使羣公子盡殺游氏之族。乃城聚而處之。冬。晉侯圍聚。盡殺羣公子。

聚。今絳縣東南地。

經二十有六年春公伐戎。無傳。夏公至自伐

戎。無傳。曹殺其大夫。無傳。秋公會宋人齊人

伐徐。無傳。冬十有二月癸亥朔日有食之。無傳。

傳二十六年春。晉士蔦為大司空。

夏士蔦城絳。以深其宮。

道光二年。武英殿刊刻。左傳讀本卷三。莊公。三。

絳時。晉所都。今曲沃也。司空。掌土地居民。

秋。虢人侵晉。冬。虢人又侵晉。

為明年晉將伐虢。張本。此年經傳及前二十年經傳。各自言其事者。或經是直文。不藉申解。或策書雖存。而簡牘散落。不究其本末。故傳自言其事。

經二十有七年春公會杞伯姬于洸。音夏

六月公會齊侯宋公陳侯鄭伯同盟于幽

秋公子友如陳葬原仲。冬杞伯姬來。莒

慶來逆叔姬。無傳。杞伯來朝。無傳。公會齊侯

于城濮。無傳。音卜。

傳二十七年春公會杞伯姬于洸。

音非事也。

天子非展義不巡守。諸侯非民事不舉。卿非

君命不越竟。

同善法。境來問文。

出洸魯地。未詳何所。或謂在今濮州西南五十里。案杞已遷淳于。在今安邱。安邱至曲阜。所過之地皆可會。豈有遠會于濮州西南之理。或謂洸即柘墟也。在今泗水。泗水

在曲阜東。是自杞至魯所過之地。差為近

理。伯姬莊公女。非事言非諸侯之事。展義

舊宣布德義也。

夏同盟于幽。陳鄭服也。

幽宋地。當在今考城縣境。二十二年陳亂而齊納敬仲。二十五年鄭文公之四年。獲

道光二年。武英殿刊刻。

左傳讀本卷三。

莊公。

三。

成於楚。皆有一心於齊。今始服也。

秋。公子友如陳葬原仲。非禮也。原仲季友之

舊也。

公子友。公母弟。其後為季氏。原仲。陳女叔也。

冬。杞伯姬來。歸寧也。凡諸侯之女。歸寧曰來。

出曰來歸。夫人歸寧曰如某。出曰歸于某。

言父母在。則來問安否。傳因通言書法。

晉侯將伐虢。士蔦曰。不可。虢公驕。若驟得勝於我。必弃其民。無眾而後伐之。欲禦我誰與。

夫禮樂慈愛。戰所畜也。夫民讓事樂和愛。

親哀喪而後可用也。號弗畜也。亟法戰將饑。

又畜聚也。養也。士鷙謂號不能畜。則戰無所恃。不須報之。縱使肆伐。亟戰。弃民無衆。廢

晉農人饑。則賈無子。為齊姜。主秦。大夫可取其國。

王使召伯廖音賜齊侯命。且請伐衛。以其

立子積也。平春。晉姜。為齊。齊侯命。為侯伯。

召伯廖。王卿士。賜齊桓命。為侯伯。

經二十有八年春。王三月甲寅。齊人伐衛。衛

人及齊人戰。衛人敗績。夏四月丁未。邾子

瑣素果卒。無傳。秋。荆伐鄭。公會齊人宋人。救

鄭。冬。築郿。音大無麥。禾減。孫辰告糴。音

于齊。

傳二十八年春。齊侯伐衛。戰。敗衛師。數上之

以王命。取賂而還。

晉獻公娶于賈。無子。烝於齊姜。生秦穆夫人。

及犬音子申生。又娶二女於戎。大戎狐姬生

重耳。音小戎子夷吾。晉伐驪。音戎男

女音以驪姬歸。生奚齊。其娣生卓子。驪姬嬖

女音以驪姬歸。生奚齊。其娣生卓子。驪姬嬖

道九。一年。武英殿刊刻。左傳讀本卷三。莊公。重。

欲立其子。賂外嬖梁五。與東關嬖五。使言於公曰。曲沃君之宗也。蒲與二當作北屈求勿切君

之疆也。不可以無主。宗邑無主。則民不威。疆

場無主。則啓戎心。戎之生心。民慢其政。國之

患也。若使犬子主曲沃。而重耳夷吾主蒲。與

屈。則可以威民而懼戎。且旌君伐。使俱曰。狄

之廣莫。於晉爲都。晉之啓土。不亦宜乎。晉侯

說同悅之。夏。使犬子居曲沃。重耳居蒲。城夷吾

居屈。羣公子皆鄙。唯二姬之子在絳。二五卒

與驪姬譖羣公子。而立奚齊。晉人謂之二五

耦。

賈姬姓國。今絳州地。大戎姬姓。狐氏小戎之舅。夷吾稱號射亦曰舅。杜預謂小戎允姓者非驪戎亦姬姓。在今臨潼。齊姜武公娶曲沃。今之間喜爲成師所封。有先君宗廟在。故曰宗。蒲在今隰州北。二屈。韋昭曰。屈有南北。水經注引汲郡古文曰。翟章救鄭。次於南屈。應劭曰。有南故加北。此文當作北。屈。今吉州東北。地隣于狄。故曰疆。廣莫。大也。言狄土地廣大。而晉使二公子出都之。則可以大開土界。是旌功伐也。外嬖謂閭闔外之嬖者。二人皆名。五。一梁氏。一居東關。二五耦者。言此二名。若兩人耦耕起土。墾壤晉室。

道光二十一年

武英殿刊刻

左傳讀本卷三

莊公

十四

楚令尹子元欲蠱音古文夫人爲館於其宮側

而振萬焉。夫人聞之。泣曰。先君以是舞也。習

戎備也。今令尹不尋諸仇讎。而於未亡人之

側。不亦異乎。御人以告子元。子元曰。婦人不

忘襲讎。我反忘之。秋。子元以車六百乘去聲伐

鄭。入于桔音結柵音迭之門。子元鬪御疆或云當作疆

鬪。梧耿之。不比爲旃。鬪班。王孫游。王孫喜殿

切。見衆車入自純門。及達市。縣同懸門不發。楚

言而出。子元曰。鄭有人焉。諸侯救鄭。楚師夜

道光二年 武英殿刊刻

左傳讀本卷三

莊公

壹

遁。鄭人將奔桐丘。諜音牒告曰。楚幕有烏。乃止。

令尹。楚執政。子元。文王弟。成王叔也。文夫

人。之宮。令尹爲館於其側。振萬。爲大舞。以

誇示也。御人。夫人之侍人。子元與鬪御疆

鬪。梧耿之。不比。鬪班。王孫游。王孫喜。伐鄭

以誇武功。且以悅文夫人。桔柵。之門。鄭遠

郊門。純門。鄭外郭門。達市。鄭郭內道。上市

懸門。施於內城門上。發以機下之。鄭知楚

師不欲戰。故不發下懸門。示不畏。又學楚

冬。饑。臧孫辰告糴于齊禮也。

饑。食不足也。經言無麥禾。是夏秋事。書于

冬者。五穀畢入。乃計之。經在築郿後。以得

糴言之。傳在前。卑者。擬往告時言。

築郿。眉音非都也。凡邑有宗廟先君之主曰都。

無曰邑。邑曰築。都曰城。不為災。不書。

築築土也。城則或甃甃或築土。以大例言之。則都城之工統曰城。邑城之工統曰築。

郿。魯下邑。在今壽張東南。

經二十有九年春新延廡音夏鄭人侵許

秋有蜚音冬十有二月紀叔姬卒無傳

城諸及防

傳二十九年春新作延廡音救書不時也凡馬

道光二年 武英殿刊刻左傳讀本卷三

日中而出日中而入

廡馬廡也。新言舊廡不可用。乃更作之。日中謂春秋分。土功當在冬。而馬廡則當以

春分馬出之後。秋分馬入之前。今在子丑寅三月作馬廡。故曰不時。

夏鄭人侵許凡師有鐘鼓曰伐無曰侵輕曰

襲

伐者聲其罪。侵者鐘鼓無聲。襲謂掩其不備。

秋有蜚音為災也凡物不為災不書

冬十二月城諸及防書時也凡土功龍見而

畢務戒事也火見而致用水昏正而裁日至

莊公 美

而畢。

諸魯邑。在今諸城西南。防。魯邑。在今費縣東北。東防也。龍見。謂角亢二宿。晨見東方。戌月也。畢。務戒事。謂計工。火見。謂心宿。晨見。在龍見之後。水昏正。謂定星昏見於正南。亥月也。定。營室也。日至。子月也。

樊皮叛王。

樊。周采地。今濟源縣西南。古陽樊也。皮。樊大夫樊仲皮也。

經三十年春王正月

夏次于成

秋七

月齊人降鄆

音章無傳

八月癸亥葬紀叔姬

無傳

九月庚午朔日有食之鼓用牲于社

無傳

道光二年
武英殿刊刻

左傳讀本卷三

莊公

三

冬公及齊侯遇于魯濟 齊人伐山戎

傳三十年春王命虢公討樊皮夏四月丙辰

虢公入樊執樊仲皮歸于京師

楚公子元歸自伐鄭而處王宮 鬪射音亦師諫

則執而梏音鵠之

秋申公鬪班殺子元 鬪穀音穀於音烏菟音徒為令

尹自毀其家以紓音舒楚國之難音去聲

子元狂悖。又以鬪射師諫。遂梏其手。時鬪班為申縣尹。乃殺子元。穀於菟。令尹子文也。

冬。遇于魯濟。謀山戎也。以其病燕故也。

濟水為齊魯界。在齊地為齊濟。在魯地為魯濟。山戎居今玉田。燕謂北燕。今大興縣東地。姬姓國。召公後。

經三十有一年春築臺于郎無傳夏四月薛

伯卒無傳築臺于薛無傳六月齊侯來獻戎

捷無傳秋築臺于秦無傳冬不雨無傳

傳三十一年夏六月齊侯來獻戎捷非禮也

凡諸侯有四夷之功則獻于王王以警于夷

中國則否諸侯不相遺俘

道光二年 武英殿刊刻 左傳讀本卷三 莊公 三

捷獲也。謂獲于山戎者。傳譏其非禮。齊蓋以魯有遇濟之謀。故來遺俘。

經三十有二年春城小穀夏宋公齊侯遇

于梁丘秋七月癸巳公子牙卒八月癸

亥公薨于路寢冬十月己未子般卒公

子慶父如齊無傳狄伐邢無傳

傳三十二年春城小穀為管仲也

小穀齊邑。在今東阿縣東。杜預云。城中有管仲井是也。不繫之齊者。如下陽不繫魏

虎牢不繫鄭。大都得以名通也。穀梁以小穀為魯邑。此則魯別有小穀。非此所城之

小穀。又公羊疏云。二傳作小字。與左氏異。然則左氏經傳本作城穀。不審何時從二

傳增作
小穀也

齊侯爲去聲楚伐鄭之故請會于諸侯宋公請

先見音現于齊侯夏遇于梁丘

楚伐鄭即子元之役梁
邱齊邑在今城武東北

秋七月有神降于莘惠王問諸內史過平聲曰

是何故也對曰國之將興明神降之監其德

也將亡神又降之觀其惡也故有得神以興

亦有以亡虞夏商周皆有之王曰若之何對

曰以其物享焉其至之日亦其物也王從之

道光二年
武英殿刊刻

左傳讀本卷三

莊公

堯

內史過往聞號請命反曰號必亡矣虐而聽

於神神居莘六月號公使祝應宗區史囂音銀

享焉神賜之土田史囂曰號其亡乎吾聞之

國將興聽於民將亡聽於神神聰明正直而

壹者也依人而行號多涼音良德其何土之能

得

號都今陝州東南莘號邑在陝州西十五
里與今莘縣之衛莘汝陽之蔡莘有別神

降者有憑之有聲以接人其物者如以甲
乙日至則祭先脾服玉用青丙日至則

祭先肺服玉用赤是也神賜號土田蓋許
其闢土疆史過之言國語載之曰夏之興

也。祝融降于崇山。其亡也。回祿信於聆隧。
商之興也。檇杭矣於丕山。其亡也。夷羊在
牧。周之興也。鸞鷲鳴於岐山。其衰也。杜伯
射宣王於鎬。故曰。有得神以興。亦有以亡。
神請命于神。是不聽于神而聽于神。史遇
知其必亡。史器亦譏之。言此神不聰明正
八直。魏德涼薄。奈
何謬言得土地。

初。公築臺臨黨。音氏。見孟任。音從之。闕。音而

以夫人言許之。割臂盟公。生子般焉。雩。講于

梁氏。女公子觀之。圉人犖。音自牆外與之戲。

子般怒。使鞭之。公曰。不如殺之。是不可鞭。犖

有力焉。能投蓋于稷門。公疾。問後於叔牙。對

曰。慶父。音材。問於季友。對曰。臣以死奉般。公

曰。鄉者牙曰。慶父材。成季使以君命命儻

叔。待于鍼巫氏。使鍼季酖。音之。曰。飲此

則有後於魯國。不然。死且無後。飲之。歸及達

泉而卒。立叔孫氏。

八月。癸亥。公薨于路寢。子般即位。次于黨氏。

冬。十月。己未。共音仲使圉人犖。賊子般于黨

氏。成季奔陳。立閔公。

子般。莊公子。母孟任。初。莊公欲通孟任。閔
不許。公以夫人言。乃許之。故子般爲孀。閔

道光二十一年
武英殿刊刻左傳讀本卷三 莊公 四

公。莊公庶子。季友即成季。莊公母弟。後爲季孫氏。慶父。叔牙。皆桓公子。慶父即共仲。後爲孟孫氏。叔牙即僖叔。後爲叔孫氏也。黨氏。魯大夫。任姓。臺在今曲阜南五里。梁氏。鍼巫氏。皆魯大夫家。鍼季即鍼巫氏。雩講。謂肄講祭禮。女公子。子般妹。觀于梁氏。圍人。養馬者。自牆外慢言以戲之。投蓋。服虔云。能投千鈞之重。過門之上。杜預云。蓋覆也。走而自投。接其屋之桷。反覆門上。劉炫規之云。公言舉有力焉。如杜此說。勁捷耳。非有力也。當謂投車蓋過於稷門。正義申杜難。劉謂車蓋以帛爲之。輕而帆風。非可投之物。案古車蓋有木有帛。非輕物也。從劉氏說。較直截。鷓鴣羽酒也。子般喪次。黨氏共仲弑之。成季出奔。國人乃立閔公。

道光二年
武英殿刊刻

左傳讀本卷三

莊公

三

欽定春秋左傳讀本卷三

欽定春秋左傳讀本卷四

閔公

名啓方。史記云名開。莊公子。母叔姜。謚法在國遭難曰閔。

經元年春王正月

齊人救邢

夏六月辛

酉葬我君莊公

秋八月公及齊侯盟于落

姑季子來歸

冬齊仲孫來

傳元年春不書即位亂故也

國亂不得成禮

狄人伐邢。管敬仲言於齊侯曰。戎狄豺狼。不

可厭

也。諸夏親暱。不可弃也。宴安酖

雅蔭切

道光二十一年

左傳讀本卷四

閔公

一

毒不可懷也。詩云。豈不懷歸。畏此簡書。簡書

同惡相恤之謂也。請救邢以從。簡書。齊人救

邢。

狄伐邢。在前年冬。齊救之。言狄當拒。邢當

接。若懷宴安。是服酖毒也。簡書。謂徵發急

故。諫之文。所以同惡相恤。赴其急難。

夏六月。葬莊公。亂故。是以緩文。齊刻盟于落

秋。八月。公及齊侯盟于落姑。請復季友也。齊

侯許之。使召諸陳。公次于郎。以待之。季子來

歸。齊人救邢。

夏六月辛酉。葬我君莊公。

歸嘉之也。

曰大夫不替立矣。公之播歿而歸。落落也。今平陰地。郎在今魚臺東北。自陳歸魯道也。季子奔陳。共仲在魯。魯亂不定。公時年九歲。魯人思季子。故籍霸國之靈。復季子以鎮魯。

冬。齊仲孫湫

子小

來省難。

去聲

書曰。仲孫亦嘉

之也。仲孫歸曰。不去

上聲

慶父。魯難未已。公曰。

若之何而去之。對曰。難不已。將自斃。君其待

之。公曰。魯可取乎。對曰。不可。猶秉周禮。周禮

所以本也。臣聞之。國將亡。本必先顛。而後枝

葉從之。魯不棄周禮。未可動也。君其務寧魯

道光二年。武英殿刊刻。

左傳讀本卷四

閔公

二

難而親之。親有禮。因重固。閒音諫攜貳覆昏亂。

霸王之器也。

齊桓初霸。故使省魯難。察其故。仲孫湫。齊大夫。言亂由慶父。時慶父亦還魯也。不能去。則亂未已。然慶父亦必自斃。魯秉周禮。謂上下制度。均能由舊。是有禮而能重。能固。非攜貳昏亂之可閒可覆也。

晉侯作二軍。公將

去聲

上軍。大音泰子申生將下

軍。趙夙御戎。畢萬為右。以滅耿。滅霍。滅魏。還

為去聲大夫。子城曲沃。賜趙夙耿。賜畢萬魏。以為

大夫。士蔿曰。大夫不得立矣。分之都城。而位

以卿先爲之極。又焉音焉得立。不如逃之。無使罪至。爲吳大音泰伯。不亦可乎。猶有今名。與其

及也。且諺曰。心苟無瑕。何恤乎無家。天若祚天子。其無晉乎。卜偃曰。畢萬之後必大。萬盈

數也。魏大名也。以是始賞。天啓之矣。天子曰。北民。諸侯曰萬民。今名之大。以從盈數。其必

有衆。初。畢萬筮仕於晉。遇屯張倫切之比。

孰大焉。其必蕃昌。震爲土。車從馬。足居之。兄

長切之。母覆之。衆歸之。六體不易。合而能

固。安而能殺。公侯之卦也。公侯之子孫。必復

其始。

得讓國。今名。以徐侯天意。傳因言畢萬之時。

事其名萬。其封魏。似天啓之。當萬筮仕時。得屯初九。本卦屯之卦比。屯爲固。比爲入。屯內卦震。變爲坤。坤土也。坤爲馬。震車從之。震爲足。以居之。又爲長男。是兄長之變。爲坤。坤母覆育之。坤又爲衆。則衆歸之。六體不易。言屯初六得此六吉體。萬乃畢公

道光二十一年
武英殿刊刻

左傳讀本卷四

閏公

三

高後其吉能繼其始

經二年春王正月齊人遷陽

無傳

夏五月乙

酉吉禘于莊公

秋八月辛丑公薨

九月

夫人姜氏孫于邾

去聲

公子慶父出奔莒

冬齊高子來盟

無傳

十有二月狄入衛

鄭奔其師

傳二年春虢公敗犬戎于渭汭

如銳切

舟之僑

曰無德而祿殃也殃將至矣遂奔晉

犬戎西戎別在中國者渭水出今蘭州渭源縣至華陰縣入河渭汭渭水隈曲處舟

道光二年道英殿刊刻左傳讀本卷四

閔公

四

之僑號大夫號以弗畜聞於諸侯而亟有戰功其有殃必可知

夏吉禘于莊公速也

春秋說喪三年畢乃致新主于廟而祧廟之遠主因是大祭以審昭穆曰吉禘今距

莊公薨二十二月故曰速或曰經書于莊公謂別立廟

初公傅奪卜齧田公不禁秋八月辛丑共

音蟻

仲使卜齧賊公于武闈

音韋又成季以僖公

適邾共仲奔莒乃入立之以賂求共仲于莒

莒人歸之及密使公子魚請不許哭而往共

仲曰奚斯之聲也乃縊閔公哀姜之娣叔姜

之子也。故齊人立之。共仲通於哀姜。哀姜欲立之。閔公之死也。哀姜與晉知之。故孫音于邾。齊人取而殺之于夷。以其尸歸。僖公請而葬之。

卜。麟。魯大夫。公傳奪其田。而公不禁。公時年幼。愛其傳。遂成其意也。武闈。宮中小門。成季以僖公適邾者。僖公。閔公庶兄。其母成風。時僖公當立。而共仲與哀姜在魯。其事未明。季不能討。乃立避之。仲為國人所非。既出奔。成季乃入。立僖公。因殺共仲于路。齊人亦殺哀姜于夷也。密。在今費縣北。由莒至魯之道。公子魚。奚斯也。不許魚請。魚哭而往。使聞而自殺。夷。魯邾界上。齊殺哀姜。魯請葬之。外欲固齊為國家之大計。

道光二十一年 武英殿刊刻

左傳讀本卷四

閔公

五

成季之將生也。桓公使卜楚丘之父音甫卜之。

曰。男也。其名曰友。在公之右。閒于兩社。為公

室輔。季氏亡。則魯不昌。又筮之。遇大有䷍

之乾䷀。曰。同復于父。敬如君所。及生。有文

在其手曰友。遂以命之。

成季之將生。魯掌卜大夫卜得其名。後與手文相應。遂以命名。公右。言用專兩社。謂周社。亳社。其閒為朝廷。執政所托。又筮得大有六五。占者以卦體言。變而之乾。乾為君父。離變為乾。故曰同復于父。言其尊與父同也。國人敬之。其敬如君之處所。言其貴與君同也。

冬十二月狄人伐衛。衛懿公好鶴。去聲鶴有乘

軒者。將戰。國人受甲者皆曰使鶴。鶴實有祿

位。余焉。音薦能戰。公與石祁子玦。音決與甯莊子

矢。使守。手切又曰以此贊國。擇利而為之。與夫

人繡衣曰聽于二子。渠孔御戎。子伯為右。黃

夷前驅。孔嬰齊殿。去聲及狄人戰于熒澤。衛

師敗績。遂滅衛。衛侯不去。上聲其旗。是以甚敗。

狄人囚史華。去聲龍滑與禮孔以逐衛人。二人

曰我犬。音泰史也。實掌其祭。不先。國不可得也。

道光二年 武英殿刊刻 左傳讀本卷四 閔公 六

乃先之。至則告守曰不可待也。夜與國人出。

狄入衛。遂從之。又敗諸河。初惠公之即位也。

少。齊人使昭伯烝於宣姜。不可。強上聲之。生齊

子戴公。文公。宋桓夫人。許穆夫人。文公為。去聲

衛之多患也。先適齊。及敗。宋桓公逆諸河。宵

濟。衛之遺民。男女七百有三十人。益之以共

音恭滕之民。為五千人。立戴公以廬于曹。同漕許

穆夫人賦載馳。齊侯使公子無虧帥車三百

乘。去聲甲士三千人。以戍曹。歸公乘。去聲馬。祭服

五稱去聲牛羊豕雞狗皆三百與門材歸夫人魚軒重錦三十兩

時衛在河北敗後廬于東河之東曰曹詩謂之漕今滑縣是也時黃河由滑西而北行熒澤在河北共滕衛二邑共國今輝縣時為衛地衛淫亂世次不可知今推之惠公子懿公昭伯子戴公申文公燬也石祁子及甯莊子速二大夫華龍滑及禮孔二史也文公先以衛多患適齊則懿公失民有素狄來將戰臨事而戒受甲者以使鶴為辭戰敗而君旗不去狄人萃之以致君臣俱盡乘軒大夫秩也鶴曰贊國繡衣文章大夫秩決斷矢禦難故曰贊國繡衣文為祈禱得國狄人縱之乃告守使出守二大夫也狄又從而蹙之于河上宋桓公夜

道允二年

武英殿刊刻

左傳讀本卷四

閱公

七

逆衛之遺民渡河立戴公于曹齊亦成曹又歸衛物材車三乘馬四馬也衣單複具曰稱門材者門戶之材魚軒以魚皮飾車魚獸名似豬東海有之其毛起伏應潮候可為弓韉步义者也重錦服虔云重牢也杜預云錦之熟細者兩匹也載馳見詩衛風

鄭人惡去聲高克使帥師次于河上久而弗召師潰而歸高克奔陳鄭人為去聲之賦清人

高克鄭大夫好利而不顧其君文公惡之而不能遠故使帥師而不召清人載詩鄭風

晉侯使大音泰子申生伐東山臯落氏里克諫

曰。天子奉冢祀社稷之粢盛。音成以朝夕視君膳者也。故曰冢子。君行則守。手切又有守則從。

去聲從曰撫軍。守曰監。古威切國古之制也。夫帥

師專行謀誓軍旅。君與國政之所圖也。非大

子之事也。師在制命而已。稟命則不威。專命

則不孝。故君之嗣適。音嫡不可以帥師。君失其

官。帥師不威。將焉。音薦用之。且臣聞臯落氏將

戰。君其舍之。公曰。寡人有子。未知其誰立焉。

不對而退。見天子。天子曰。吾其廢乎。對曰。告

之以臨民。教之以軍旅。不共。音供是懼。何故廢

乎。且子懼不孝。無懼弗得立。脩已而不責人。

則免於難。去聲天子帥師。公衣。去聲之偏衣。如字佩

之金玦。狐突御戎。先友爲右。梁餘子養御罕

夷。先丹木爲右。羊舌大夫爲尉。先友曰。衣。去聲

身之偏。握兵之要。在此行也。子其勉之。偏躬

無慝。兵要遠。去聲災。親以無災。又何患焉。狐突

歎曰。時事之徵也。衣。如字身之章也。佩。衷之旗

也。故敬其事。則命以始。服其身。則衣。去聲之純。

用其衷則佩之度。今命以時卒。闕其事也。衣
聲之尨。去聲。模。雁切。服遠其躬也。佩以金玦。弃其衷

也。服以遠之。時以闕之。尨涼冬殺。金寒玦離。

胡可恃也。雖欲勉之。狄可盡乎。梁餘子養曰。

帥師者受命於廟。受脰是忍切於社。有常服矣。

不獲而尨。命可知也。死而不孝。不如逃之。罕

夷曰。尨奇無常。金玦不復。雖復何爲。君有心

矣。先丹木曰。是服也。狂夫阻之。曰。盡上聲敵而

反。敵可盡乎。雖盡敵。猶有內讒。不如違之。狐

突欲行。羊舌大夫曰。不可。違命不孝。弃事不

忠。雖知其寒。惡不可取。子其死之。犬子將戰。

狐突諫曰。不可。昔辛伯諗音審周桓公。云。內寵

竝后。外寵二政。嬖子配適。大都耦國。亂之本

也。周公弗從。故及於難。去聲今亂本成矣。立可

必乎。孝而安民。子其圖之。與其危身以速罪

也。

臯落氏。赤狄別種。居晉東山。今垣曲縣地。里克。晉中大夫。言犬子不可帥師。在君爲失官。而軍中稟命既不威。專命又不孝。及犬子懼廢。里克勉之以不供子職。是懼。惟

當備已。公之命犬子也。衣以偏衣。左右異色。其半似君服。其佩玦以金爲之。衣得君半。似非惡意。玦爲兵要。可以遠災。然衣是身之章。貴純不貴雜。佩爲衷之旗。貴玉不貴金。今衣則尅雜而犛駘。佩則玦離而金寒。狂夫阻之。阻疑也。言狂夫猶疑此服也。又時命以冬。不以廟社。從臣因驪姬內讒之故。各就其意。以吉凶推之。辛伯事見桓十八年。是役也。晉侯實有廢立之心。梁餘子養爲下軍。卿罕夷御。勸申生逃。狐突御戎車。勸申生勿戰。言不戰爲安民。有功則罪速也。羊舌大夫勸申生死之。言雖知君意之薄。而忠孝不可不勉。諸說皆偏。惟里克所規。供職脩已。其言大而正。

成風聞成季之繇。乃事之。而屬燭儂公焉。

故成季立之。

道光二年
武英殿刊刻

左傳讀本卷四

閔公

十

成風。莊公妾。儂公母也。繇。卦占辭。事之。謂敬之異於衆。

儂之元年。齊桓公遷邢于夷儀。二年。封衛于

楚丘。邢遷如歸。衛國忘亡。衛文公大布之衣。

大帛之冠。務材訓農。通商惠工。敬教勸學。授

方任能。元年。革車三十乘。季年。乃三百乘。

邢。本在今邢臺。夷儀。今聊城西南。衛。在今洪縣東北。戴公廬曹。在今滑縣東。楚邱。在滑縣東六十里。如歸。忘亡。言齊爲遷國。供億周備。是年冬。戴公卒。文公止。傳又言文

公貶身勤政。富國之事。

欽定春秋左傳讀本卷四

